



Ni Elder Vaiangina Sikahema
Sa Seventy

Sa dihang singko anyos pa ko, ang akong pamilya mibiyahе gikan sa Tonga ngadto sa New Zealand aron masilyo sa templo. Una, milawig kami gikan sa Tonga ngadto sa Fiji. Ang mga miyembro sa Simbahan nga nagbiyahe uban kanamo nanganta sa tibuok biyahe. Miabot ang usa ka unos. Ang mga balod mas dagko pa kay sa barko nga among gisakyan! Samtang nagkadako ang unos, nagkakusog ang among pagkanta. Sa kataposan milabay ang unos.

Sa dihang luwas kaming naabot sa Fiji, gikinahanglan namong mosakay og bus padulong sa airport. Dayon misakay kami og eroplano padulong sa New Zealand.

Human mitugpa ang eroplano sa New Zealand, mibiyahе kami og laing duha ka oras sa bus. Bugnaw kadto nga buntag nga adunay daghang panganod. Nag-istorya ang tanang tawo diha sa bus. Lanog kaayo kadto! Dayon malantaw na ang templo, ug kalit lang, ang bus hingpit nga nahilom. Ang tanan daling mibalhin ngadto niana nga habig sa bus aron makakita

niini. Abi nako og matuwang ang bus! Gialsa ko ni Papa diha sa bentana sa bus aron makatan-aw ko og tarong sa templo. Ang templo ingon og naglutaw diha sa mga panganod. Daw langitnon kini.

Bisan og nahitabo kana pipila na ka tuig ang milabay, nabati gihapon nako kana nga samang espesyal nga espiritu karon. Nasayod kami nga kami nagtan-aw sa balay sa Dios. Kaniadto, nakita lang namo kini sa mga litrato. Nahingangha kami. Nakahinumdom ko nga naghunahuna, *Anaa ba ang Dios dinha?* Ug dihaduha gayod, naghunahuna ko, *Kini mao ang balay sa Dios. Siyempre anaa Siya dinha.* Tingali dili nato Siya makita diha sa templo, apan nasayod kita nga mobati kita sa Iyang Espiritu didto. ●

Gikan sa usa ka interbiyo uban ni Richard Romney.

Anaa ba ang Dios Dinha?

KATAPOSAN

SINUGDANAN

Usa ka Pagbiyahe ngadto sa Templo

Sunda ang maze aron tabangan ang pamilya nga makaabot sa templo!